



20 FEB, 2025

THT waspada ancaman Matador

Harian Metro, Malaysia



THT waspada ancaman Matador

Oleh Malik Muhamad
sukan@hmetro.com.my

Kuala Terengganu: Biar pun berjaya melakar kemenangan dalam saingan Liga Hoki Malaysia (MHL), pemain Pasukan Hoki Terengganu (THT) tetap berwaspada dengan ancaman Kelab Hoki Matador.

Peringatan itu diluahkan pemain berpengalaman, Mohamad Sukri Abdul Mutalib apabila kedua-dua pasukan itu bakal bertembung pada aksi separuh akhir Piala TNB di Stadium Hoki Nasional 2 Bukit Jalil, petang ini.

Jelas bekas kapten kebangsaan itu, dalam apa jua permainan, elemen kejutan sentiasa berlaku sekiranya pemain mengambil mudah serta leka sepanjang perlawanan.

“Sejujurnya kelab Matador itu adalah sebuah pasukan kuat kerana dibarisi pemain berpengalaman termasuk lapan pemain import iaitu tujuh dari Pakistan dan seorang dari India, ia pasti bukan mudah buat mana-mana pasukan.

“Jadi sudah tentu kami perlu berwaspada dengan taktikal dan ancaman kelab itu biarpun kami pernah menumpaskan pasukan itu 4-0 dalam saingan liga pada 8 Februari lalu. Pesanan saya buat rakan sepasukan agar tidak memandang sebelah mata sebaliknya perlu positif termasuk mengekang gerakan lawan bermula bahagian tengah lagi,” kata pemain berusia 39 tahun itu yang sudah empat musim menyanggaru jersi THT.



PEMAIN THT Muhammad Amirul Haniff (kanan) diasak penjaga gol Armed Forces HT Mohd Aliff Mohd Azman pada pusingan suku akhir Piala TNB.